

Johrsversammeln 2024

10. September 2024

Leve Maten,

to unse Johrsversammeln laden wi hiermit hartlich in. Dat geiht los an'n

**Sünnavend, den 12. Oktober 2024,
um Klock een (13:00)
in dat Restaurant Siegfried Werft, Vogelsang 12, 24340 Eckernförde.**

Vörweg giff dat en Imbiss um Klock halvig een (12:30), twüschendör giff dat Kaffe un Koken.

Vörprogramm: För interesseerte Lüüd giff dat um Klock ölven (11:00) de Gelegenheit bi en plattdüütsche Föhren „Mit Opsteekfru Stine dörch dat ole Eckernför“ mittomaken. De duert en gode Stunn. An de Havenbrüch bi unse Lokal, blots jüst op de anner Siet, tööv Stine denn. Se is in ehr Kledaasch licht to kennen.

Wat to verhandeln is:

1. Begröten un Gröten vun Gäst
2. Genehmigen vun dat, wat to verhandeln is, un dat Protokoll vun de Johrsversammeln 2023*
3. Johrsbericht Vereen – Klaus Jensen
4. Johrsbericht Plattdüütsch Zentrum – Gesa Retzlaff
5. Kassenbericht – Okke Peters
6. Bericht vun de Kassenprüvers un Friespreken vun den Vörstand
7. Vörstellen un Besluten vun en Ännern in unse Statut (mehr dorto op de Rüksiet)
8. Wahlen
 - a) stellvertreten Vörsitt
 - b) Kassenführung
9. Wat sunst noch is

Mit sien **Musik** giff **Rainer Prüß** ut Flensburg den Namiddag en kandidlen Rahmen (hier giff dat wat to em to lesen: www.rainer-pruess.de/musik/).

Wi beden bi't Ankamen in't Lokal dor um sik mit 10 € de Person an de Kosten vun de Namiddag to bedeligen. Dat wi seker planen köönt, mööt Jem sik **bidde bet to'n 2. Oktober 2024 anmellen**. Dat geiht över Tel. 04662/881560 (AB) oder Mail an post@platt.best.

Wi freuen uns op Jemehr Kamen un gröten hartlich

Bidde op de Rüksiet wiederlesen

gez. Klaus Jensen
Vereensvörsitter

gez. Gesa Retzlaff
Stüer Plattdüütsch Zentrum

*Dat Protokoll liggt bi de Versammeln ut un kann vörweg in't Zentrum anföddert warrn.

Wat vörweg to TOP 7 to seggen is (opsett vun unse stellvertreten Vörsitter Erich Petersen):

Beschrieven to de Saak

Unse nie'e Satzung gelt siet de 21.12.2022; in düsse Tiet is opfullen, dat an welke Steden wat ännert warrn schull. De Vörstand hett an'n 28.08.2024 düsse Vörslag dorto utarbeidt un sleit de Matenversammeln vör, dat sodennig to besluten:

Vorwort

Zeile 2 Landesverfassung Artikel 9 → ännern in „13“

§ 10 Abs. 1.

Zeile 2 strieken Vertreter → setten „Personen“

§ 10 Abs. 2.

In'e ganze Afsatz sünd mehre Steden to ännern un sodennig warrt de Text as nafolgen komplett nie faat:

„Die jeweiligen Vorstandsmitglieder haben mit Ausnahme des Zentrumsleiters (vgl. § 12) eine Amtszeit von 3 Jahren; sie bleiben bis zur Neuwahl des jeweiligen Vorstandsmitgliedes im Amt. Scheidet während dieser Zeit ein Vorstandsmitglied aus, so findet in der nächsten Mitgliederversammlung für diese Funktion eine Neuwahl für eine Amtszeit von 3 Jahren statt. Der Vorstand kann sich bis zur Neuwahl selbst ergänzen. Wiederwahl der Vorstandsmitglieder ist zulässig.“

Unse nächsten Termine – **bidde fix anmelden** (04662-77272 oder post@platt.best):

29. September 2024, 10:00 Op **Pilz-Tour** in de **Dreisdörper Forst**
mit de Experten Heinke un Bernd Hannig – mehr Details na't Anmelden

13. November 2024, 14:30 Vördrag mit Gunnar Green
Dor laden wi tosamen mit de Heimatvereeren Schleswigsche Geest un de Nordsee Akademie to in. Na Kaffe un Koken sünd wi mit Oog un Ohr mitlang bi't **Pilgern op de Ossenweg**. Dat können unse Maten för 12 € de Person beleven, Gäst sünd mit 15 € geern dorbi.

Un al en eersten **Utblick op 2025** - düt löppt allens in de Ruum vun de Nordsee Akademie in Leck:

18. un 19. Februar 2025 „Platt hölpt hölpen“ Reflexionsdaag för Betreuungskräfte
7.-9. März 2025 „Platt lehren lehren“ Kurs för Lüüd, de Plattkurse geven (wüllen)
12. April 2025 platt drift barcamp – Netzwerkdrapen för Platt-Fans